

Uttale vedrørende «Opptaksområde for grunnskulane i Alver kommune».

ArkivsakID: 20/4486

28.06.20

Åsheim krins er og har vore eit levande lokalsamfunn tilbake til tida for grendaskule. Då gjekk alle i området på skule i gamle Litlås sanitetshus (ligg i Austrheim kommune). Folk som bur i krinsen er aktive og engasjerte i lokalmiljøet på Fonnes/Kaland, det er her dei kjenner seg heime og har tilhøyrgheit.

Geografisk nærleik er viktig for barn, her kan dei sjølve kome seg til skulen og på fritidsaktivitetar på sykkel, noko som er viktig både for folkehelsa og for miljøet.

Det er særleg viktig for barn frå 1.-7. klasse å ha ein trygg og kjent plass å gå til når dei skal starte på skulen. Barn frå Åsheim krins utgjer eit viktig grunnlag for elevtalet på Kaland barne- og ungdomsskule. Skuleåret 2019-2020 er det 31 elevar frå Åsheim krins av totalt 137 elevar.

Forutsigbarheit for kor ein skal gå på skule er viktig for at barna skal ha ein trygg oppvekst. Vi som bur her er ein del av miljøet rundt Kaland skule frå fødselen av; vi brukar helsestasjon, barnehage og barneskule i Austrheim, og det er her ungane våre kjenner dei høyrer til. Barna uroar seg no for kva som skal skje med dei og skulekvardagen deira.

Når det gjeld reiseveg får elevane ein betydeleg lengre veg til skulen. Mange elevar frå Åsheim sykklar no til skulen på Kaland og har ein trygg sykkelveg utan tungtrafikk. Det er merka forgjengerovergang ved Mongstad og gang -og sykkelveg delar av vegen. Det er ikkje eit alternativ å sykle til skulen på Lindås med så mykje tungtrafikk på vegane til/frå Mongstad. Reisetida på buss vert sjølv sagt også lengre for elevane. Per no startar bussen å hente elevar i Kjeilen, så Hope og rundt Litlås før han køyrer til Kaland barne- og ungdomsskule, deretter køyrer bussen vidare til Lindås barneskule.

Kostnaden per elev må ein også ha med i reknestykket. Dersom Åsheim elevar skal gå på Lindås barneskule vert ikkje desse gratis for kommunen, sjølv om dei går på skule i bustadkommunen sin. Gamle Lindås kommune, no Alver kommune, betaler 25 000 kr pr år for kvar elev frå Åsheim-krinsen som går på Kaland. Beløpet har vore fast kronebeløp sidan 1990-talet. Gjennomsnittleg elevkostnad på Kaland er ca 98 500 kr i følgje budsjettet/rekneskapen til Austrheim kommune. Den vedtekne gjesteelevsatsen mellom kommunane i Hordaland fylke, er sett til litt over 100 000 kr. Dette viser at det ikkje er eit urimeleg krav Austrheim kommune no kjem med til Alver kommune.

Vi som bur i krinsen ønskjer at det vert teke initiativ til å reforhandle denne avtalen. Dersom det skulle verte umogleg å kome til einigheit, håpar vi på ein gradvis overgang der ein får fullføre barnetrinnet (1.-7.kl) på den skulen ein har starta på, og at ei eventuell avvikling av avtalen gjeld for dei nye som vert skrive inn på skulen. Altså at ein vert skrive inn på den skulen ein skal gå på heile barneskulen. Dette vil gjere det trygt og forutsigbart for både barn og foreldre.

<http://utdanningsspeilet.udir.no/2017/innhold/del-4/4-3-kostnader-til-grunnskole/>:

«En elev i en kommunal grunnskole kostet i gjennomsnitt 112 200 kroner per år i 2016 (*KOSTRA 2017*). Av dette gikk 91 100 kroner til undervisning, skolemateriell og lignende, mens 21 000 kroner gikk til lokaler og skyss (figur 4.5). Totalt sett har utgiftene per elev økt med i underkant av 1 prosent, noe som tilsvarer 800 kroner per elev fra 2015 til 2016.»

Helsing Trude Bertelsen, busett i Hopsvågen.